

MOBILITÀ

Taca via la sajon con i prumes impianc orii

L'è stat orì la forenadao de Ciampediè e la sentadoa de Paolina. Doman se pel jir con la forenadao de Sas Pordoì, de Dèlba-Col di Rosc e de Col Rodela e la sentadoes che da Pera porta sun Ciampediè



La forenadao de Ciampediè l'è stat i prum impianc a orir.

L'è stat i prum impianc portamont a orir d'òl stop per la pandemia da Covid-19 l'è stat la forenadao de Ciampediè en sabeda ai 6 de jugn. Fin al prum de messèl la viajarà da les 8 da doman fin les 13.00 e da les 14.00 fin les 18.00, d'ò la seghitarà a jir enche dalmesdi. En jebia ai 11 l'è endò tacà ite sia atività enche la sentadoa de Paolina e con sabeda ai 13 de jugn se podarà endò tachèr a viajèr

con la forenadao de Sas Pordoì, chela de Dèlba-Col di Rosc e chela de Col Rodela e la sentadoes Vaiolèt 1 e 2 che ponta via da Pera e rua sun Ciampediè. Ai 20 de jugn orirà la cabinovia de Bufaure e dapò ai 27 de jugn la sentadoes de Col de Valvacin e de Roseal e la cabinovies de Dèlba-Ciampac, Cianacei-Pecol e de Vauz. Anter la fin de jugn e i prumes de messèl se podarà tor enche

duc i etres impianc de la val che porta sa mont escursionisc, pascioné de jir a crepes e bikers. Taca endò ite na neva sajon da d'istà, encheben con duta la precauzion percheche no se slèrie endò fora l'coronavirus. Enche sui impianc portamont l'è de obligh jir col couribocia descheche perveit l'protocol de endrez e sanitarie per la gestion di impianc aproà da la Jonta de la Provinzia de Trent. Chest protocol perveit enche na maor netijia e la sanificazion di lesc e di ogeg che vegn tocé da la jent desche sutie e passamans. Amò, descheche l'è stat fat fora dal desch tecnich de lurier coordinà da l'assessorat al turism, vegnarà orì de spes la fenestres e i finestrins di impianc per garantir che vegne mudà fora de spes l'aria.

Se cogn enche osservèr la distanza de 1 metro tant ti percorsc de azess che olache vegn fat i bilieci e per chest l'è stat endrezà segnèi jabas, cartie e distanziatore. I lurieranc controlarà che vegne semper respetà la regoles. Dant de comprèr i bilieci la jent cogn se igienienisèr la mans con l'gel.

La portèda de la cabines vegnarà smendrèda a 2/3 donca una cabina da 10 posc podarà portèr fin a 6 persones en dut. E enche te chest cajo vegnarà semper controlà che la sie ariejèda delvers. Su la sentadoes bèsta enveze montèr sù con l'couribocia.

Via per chest ultim meis la soziètèdes de impianc portamont de Fascia se à dat jù per endrezèr dut delvers e per arseguèr a dependenc e turisc de poder lurèr e viajèr sui impianc a na vida segura tel respet de duta la ordenanzes contra l'Covid-19.

Monica Cigolla